

Sukuritu

Tin hopi kos ta sosodé den e zona sukuritu entre e área di trabou di hunta di komisario i direktiva. Ta di mes ku bo ta hañabo ku komisarionan einan ku ta hunga shon atministradó. Hopi biaha esaki tin efektonan negativo.

No dje fastioso ei pero difísil si ta e figura di komisario representante. Esaki a risibí un tarea spesial di su hunta relashoná ku e direktiva. Hopi biaha ta trata di e presidente e ora ei. Esaki, por ehèmpel, riba petishon di hunta ta mantené kontakto ratu ratu ku direktiva. Un komisariado representante por ta relashoná ku asuntunan mas serio tambe. Den kaso di un konflikto profundo ku sindikato, un komisario representante por asistí e atministradónan den e negosiashonnan (kòrda bon si: no ku bo mes ta negosiá!). Den un empresa, por sosodé tambe ku ta surgi un krisis den e direktiva. E ora ei ta ferwagt un solushon di parti di e hunta di komisario. No ta dje fásil ei pa realisá esaki ku sinku òf shete hende pareu. E ora ei ta kumbiniente pa bo enkargá un òf dos komisario ku un mishon di mediashon.

Promé ku e mes realisá esaki, e komisario representante ta keda pushá den realidat di un kaso asina. Promé ku e ke sa, e ta hañ'é ta manehá tur ku tin. E ora ei bo ta hañabo ku un kaso serio di ròlnan ku ta bira vago. T'asina ku un komisario representante nunca no por ehersé mas tantu outoridat ku e hunta di komisario mes tin. Kon ku un komisario representante ehersé su tarea, maske ku e kuminsá manehá plenamente, echo ta ku e ta keda komisario. Hurídikamente mirá, manehamentu tin komo konsekuensia ku legalmente si ta konsider'é komo atministradó, pero ku tur otro individuo den e hunta ta (ko)responsabel pa su eventual erornan a base di art. 2:138 huntu ku 2:14 i 2:19 di Kódigo Sivil.

E echo ku ta enkargá un komisario representante ku un sierto tarea, no tin komo konsekuensia ku ta traspasá òf limitá outoridatnan di e hunta. E hunta di komisario mes ta keda kada bes outorisá pa tòg ehekutá e tareanan en kestion su mes, òf pa tuma nan bèk òf adaptá nan. Ademas t'asina ku no por delegá un responsabilidad ku ta kai kompletamente serka hunta, por ehèmpel tumamentu di desishonnan tokante sierto akshon atministrativo deskribí den e statutonan, na un komisario individual.

Ta rekomendabel pa komo hunta palabrá un slòt mará na tempu ku un komisario na momentu di duna enkargo pa un tarea spesífiko relashoná ku e maneho. Pensa akinan riba un periodo di algun luna ora ta trata tareanan ku ta bai na maneho den e zona di límite. Den práktika bo ta mira hopi biaha ku komisarionan representante ta haña tareanan ku ta bai hopi mas leu ku e outoridat ku hunta mes tin. Striktamente mirá, esaki no mester t'asina, pero loke no mester t'asina ta sosodé tòg.

E figura di komisario representante ta haña un forma spesial na momentu ku e hunta di komisario mes, tuma maneho over temporalmente den kaso di impedimentu òf ousensia di un òf mas atministradó. Nos ta papia di impedimentu ora ku tin un interupshon temporal di ehersementu di funshon. Nos ta papia di ousensia ora tin un vakatura. Pensa por ehèmpel riba malesa (di durashon largu). Den un kaso asina, e hunta konsientemente ta bai sinta riba stul di direktiva, pa e simpel motibu ku no tin un maneho (kompletu).

Den hopi statuto e kaso akí ta eksplisitamente reglá tambe. Sinembargo, aki tambe ta sumamente importante pa no bai manehá tur ku tin e ora ei komo hunta òf individuo. Bo mester mir'é mas stail di 'tira bista un ratu den pakus'. Bo tarea primordial den kaso di ousensia ta pa buska un atministradó nobo. Ke men, sigur bo no mester implementá kambionan grandi òf formulá bo propio maneho. Den e

kaso akí tambe ta rekomendabel pa introdusí un limitashon di tempu fo'i delantá, por ehèmpel máksimalmente tres òf kuater luna. Asina ei bo ta evitá ku bo ta keda den sukuritu pa muchu largu. Pasó despues skuridat ta dal aden.



[Frank Kunneman](#)
VanEps Kunneman VanDoorne
Attorney at law | Partner

T +5999 461 3400 ext. 254
E kunneman@vandoorne.com
